



Број: 03/10-50-18-43/23
Сарајево, 24.1.2023.

Истраживање број: 343
Врста истраживања: ПО

**PRIMJENA STAVA 4 ČLANA III
USTAVA BOSNE I HERCEGOVINE
U PERIODU 2001 - 2022**

Припремила:
Сена Узуновић

Истраживање је намењено посланицима и делегатима, који могу поставити додатна питања, сугестије и коментаре на email адресу: istrazivacki.sektor@parlament.ba.

Јавност Босне и Херцеговине може коментирати радове, али Истраживачки сектор нема могућност да одговара на коментаре и дискутира о истраживању.

Информације наведене у садржају истраживања важеће су у тренутку припреме истраживања и оне се не ажурирају након објаве истраживања.

Истраживање не одражава званичан став Парламентарне скупштине Босне и Херцеговине (PSBiH).

**PRIMJENA STAVA 4 ČLANA III
USTAVA BOSNE I HERCEGOVINE
U PERIODU 2001 - 2022**

Stavom 4 člana III Ustava Bosne i Hercegovine predviđeno je da Predsjedništvo Bosne i Hercegovine “može odlučiti da podstakne međuentitetsku koordinaciju u stvarima koje se ne nalaze u okviru nadležnosti Bosne i Hercegovine predviđenih ovim Ustavom, izuzev ako se u konkretnom slučaju jedan entitet tome usprotivi.”¹

U svrhu uvida u dosadašnju primjenu ove odredbe pregledali smo tačke dnevnog reda, zapisnike i saopćenja sa sjednica Predsjedništva Bosne i Hercegovine u periodu od 21.8.2001. do 31.12.2022. godine, imajući u vidu da su traženi podaci dostupni na internetskoj stranici Predsjedništva Bosne i Hercegovine za navedeni period.

U tačkama dnevnog reda, zapisnicima i saopćenjima nismo pronašli pozivanje na stav 4 člana III Ustava Bosne i Hercegovine. Na sjednici održanoj 27.5.2002. godine tačka 2. sadrži pozivanje na stav 5 člana III Ustava.² Također, u 2001. i 2002. godini Predsjedništvo Bosne i Hercegovine održalo je nekoliko koordinacionih sastanaka s organima entiteta Bosne i Hercegovine. Uz to, pojedine tačke dnevnog reda, zapisnici i saopćenja sadrže izraženu podršku koordinaciji određenih institucija te preporuke, zaduženja ili poziv određenim organima i institucijama na koordinaciju, kako je navedeno niže:

-116. sjednica Predsjedništva Bosne i Hercegovine, održana 28.11.2001. godine³

-Tačka 10. Poziv na hitnu akciju za stvaranje uslova za izgradnju autoputa kroz Bosnu i Hercegovinu:

“Nakon rasprave je zaključeno:

1.Predsjedništvo BiH je podržalo inicijativu Udruženja industrijalaca za hitnu akciju stvaranja uvjeta za izgradnju auto-puta kroz BiH, kao dio provedbe Plana Pakta stabilnosti BiH i stvaranja uvjeta za izgradnju auto-ceste kroz Bosnu i Hercegovinu.

2.Predsjedništvo BiH podržava napore i inicijativu Vijeća ministara BiH da, kroz ekonomsku koordinaciju sa vladama entiteta, nastavi sa aktivnostima stvaranja pretpostavki za realizaciju ovog i sličnih projekata u BiH.”

-Tačka 12. Poticaj za iznalaženje rješenja za finansiranje Zadružnog saveza BiH:

“Nakon rasprave je zaključeno:

1.Predsjedništvo BiH je podržalo zahtjev Zadružnog saveza BiH, kao jedne od prvih asocijacija oformljenih za cijelu BiH, ali će se realizacija istog ostvariti nakon provedene procedure Rebalansa Budžeta institucija BiH za 2001. godinu.

Preporučuje se Vijeću ministara da se Zadružni savez uvrsti kao jedan od korisnika budžeta za 2002. godinu čime bi se dala finansijska potpora djelovanju ove asocijacije.

¹ <https://www.parlament.ba/data/dokumenti/pdf/vazniji-propisi/Ustav%20BiH%20-%20B.pdf>

² Stav 5 člana III (Dodatne nadležnosti). Vidjeti niže na stranici 7.

³ <http://www.predsjednistvobih.ba/zaklj/sjed/default.aspx?id=10172&langTag=bs-BA>

2. Predsjedništvo BiH je preporučilo vladama entiteta da uspostave partnerski odnos sa Zadrudnim savezom BiH u cilju unapređenja razvoja poljoprivredne proizvodnje kao strateške privredne djelatnosti Bosne i Hercegovine.

3. Zadrudnom savezu se preporučuje, ako to nije već učinio, da se kandidira Vijeću ministara za uvrštavanje u Budžet BiH za 2002. godinu, a Predsjedništvo BiH će zahtjev podržati.”

-Tačka 15. Inicijativa za rješavanje pravnog i finansijskog statusa Nacionalne i univerzitetske biblioteke BiH:

“Nakon rasprave je zaključeno:

1. Predsjedništvo BiH podržava zahtjev za rješavanje pravnog i finansijskog statusa institucija koje su od interesa za BiH.

2. Zadužuje se Vijeće ministara da, uz punu koordinaciju s vladama entiteta, razriješi pravni status institucija koje su od interesa za BiH (Zemaljski muzej BiH, Muzej književnosti i pozorišne umjetnosti BiH, Kinoteka BiH, Biblioteka za slijepa i slabovidna lica u BiH, Historijski muzej BiH, Umjetnička galerija BiH, Nacionalna i univerzitetska biblioteka BiH, Centar za zaštitu kulturnog, historijskog i prirodnog nasljeđa BiH i dr.).”

-117. sjednica Predsjedništva Bosne i Hercegovine, održana 7.12.2001. godine⁴

-Tačka 6. Usvajanje Službene zabilješke sa Koordinacijskog sastanka Predsjedništva BiH s predstavnicima institucija BiH i entitetskih vlasti Republike Srpske i Federacije BiH, održanog u Banjoj Luci 14. novembra 2001. godine:

“Po ovoj tački bez rasprave je zaključeno:

1. Predsjedništvo BiH je usvojilo Službenu zabilješku sa Koordinacionog sastanka Predsjedništva BiH sa predstavnicima institucija BiH i entitetskih vlasti Republike Srpske i Federacije BiH, održanog u Banja Luci 14. novembra 2001. godine. Traži se od Sekretarijata Predsjedništva BiH da službenu zabilješku dostavi entitetskim vladama, Skupštinama entiteta i Vijeću ministara BiH.”

-118. sjednica Predsjedništva Bosne i Hercegovine, održana 17.12.2001. godine⁵

-Tačka 14. Informacija o aktivnostima vlasti Republike Srpske u vezi s muzejskom građom Memorijalnog kompleksa Jasenovac i Donja Gradina:

“Nakon rasprave je zaključeno:

1. Predsjedništvo BiH je primilo k znanju Informaciju o aktivnostima vlasti Republike Srpske vezano za muzejsku građu Memorijalnog kompleksa Jasenovac i Donja Gradina.

⁴ <http://www.predsjeđnistvobih.ba/zaklj/sjed/default.aspx?id=10171&langTag=bs-BA>

⁵ <http://www.predsjeđnistvobih.ba/zaklj/sjed/default.aspx?id=10170&langTag=bs-BA>

2. Predsjedništvo BiH sugerira Komisiji za zaštitu nacionalnih spomenika da krajnje meritorno, u okviru svoje nadležnosti, razmotri navedene informacije, uključujući i ostale memorijalne komplekse, Kozara, Tjentište.”

-120. sjednica Predsjedništva Bosne i Hercegovine, održana 10.1.2002. godine⁶

-Tačka 12. Zahtjev za donaciju i podršku u stvaranju sistema jedinstvenog Košarkaškog saveza na nivou BiH:

“Nakon rasprave je zaključeno:

1. Predsjedništvo BiH podržava napore Košarkaškog saveza BiH kao i napore drugih sportskih asocijacija na stvaranju jedinstvenog saveza na razini BiH, a o mogućoj materijalnoj pomoći će se izjasniti po usvajanju Budžeta za 2002. godinu.”

-122. sjednica Predsjedništva Bosne i Hercegovine, održana 18.1.2002. godine⁷

-Tačka 16. Razno

a) Donošenje odluke o imenovanju zajedničkih savjetnika Predsjedništva BiH za pojedine oblasti:

“Nakon rasprave je zaključeno:

1. Po jedan savjetnik u svakom uredu daje stručnu potporu Predsjedništvu BiH u cjelini, u skladu sa ovim zaključkom.

Član Predsjedništva BiH iz reda hrvatskog naroda odredit će savjetnika u svom uredu koji će pripremati i davati stručnu potporu Predsjedništvu u cjelini u oblasti vanjske politike.

Član Predsjedništva BiH iz reda bošnjačkog naroda odredit će savjetnika u svom kabinetu koji će pripremati i davati stručnu potporu Predsjedništvu u cjelini u ustavno-pravnoj oblasti.

Član Predsjedništva BiH iz reda srpskog naroda odredit će savjetnika u svom kabinetu koji će pripremati i davati stručnu potporu Predsjedništvu u cjelini u oblasti ekonomije i finansija.”

123. sjednica Predsjedništva Bosne i Hercegovine, održana 5.2.2002. godine⁸

-Tačka 17. Razno

a) Dogovor oko sljedećeg Koordinacijskog sastanka nositelja najviših organa vlasti institucija BiH i entiteta:

“Nakon rasprave je zaključeno:

1. Predsjedništvo BiH je donijelo Odluku da se 4. Koordinacijski sastanak nositelja najviših organa vlasti institucija BiH i entiteta održi krajem veljače 2002. godine.

⁶ <http://www.predsjeđnistvobih.ba/zaklj/sjed/default.aspx?id=10168&langTag=bs-BA>

⁷ <http://www.predsjeđnistvobih.ba/zaklj/sjed/default.aspx?id=10166&langTag=bs-BA>

⁸ <http://www.predsjeđnistvobih.ba/zaklj/sjed/default.aspx?id=10164&langTag=bs-BA>

2. Na ovom sastanku raspravljalo bi se o pitanjima povratka izbjeglih i raseljenih lica, Zakona o Ustavnom sudu BiH, transformaciji PBS-a, te ekonomskim pitanjima, posebno pitanjima razvoja, zapošljavanja i borbe protiv siromaštva.

Zadužuju se savjetnici članova Predsjedništva BiH da pripreme odgovarajuće materijale.

Za pitanje transformacije PBS-a zadužuje se g. Boris Kujundžić, tajnik za odnose s javnošću da pripremi odgovarajući materijal.”

-124. sjednica Predsjedništva Bosne i Hercegovine, održana 14.2.2002. godine⁹

-Tačka 9. Razno

a) Inicijativa o dopuni teme sastanka Koordinacije koje organizira Predsjedništvo BiH – potpora pripremama izbora:

“Nakon rasprave je zaključeno:

1. Predsjedništvo BiH ponovo ukazuje na značaj održavanja izbora i smatra da, do sredine trećeg mjeseca, je neophodno provesti parlamentarnu proceduru za promjenu entitetskih ustava kako bi se stvorile pretpostavke za održavanje izbora u oktobru 2002. godine.

2. Predsjedništvo BiH će, zbog značaja i važnosti održavanja izbora na Koordinacijskom sastanku, koji će organizirati Predsjedništvo BiH sa predstavnicima državnih i entitetskih vlasti, krajem ovoga mjeseca kao temu utvrditi i pripreme za izbore.”

-126. sjednica Predsjedništva Bosne i Hercegovine, održana 21.2.2002. godine¹⁰

Tačka 12. Razno

m) Određivanje termina i dnevnog reda za održavanje Koordinacijskog sastanka institucija BiH i entitetskih vlasti:

“Nakon rasprave je zaključeno:

1. Predsjedništvo BiH predlaže održavanje Koordinacijskog sastanka institucija BiH i entitetskih vlasti, između 18. i 20.03.2002. godine u zgradi Predsjedništva BiH, sa sljedećim prijedlogom dnevnog reda:

- Provođenje Aneksa VII Dejtonskog mirovnog sporazuma

Zadužuje se g. Krešimir Zubak, ministar za ljudska prava i izbjeglice, da dostavi radni materijal i bude uvodničar na sastanku koordinacije.

- Izbor sudija Ustavnog suda BiH

Zadužuje se Ekspertska grupa za izradu zakona g. Kasim Trnka, g. Mile Dmičić i g. Davor Bogdanić da dostave radni materijal, uvodničar je prof. dr. Kasim Trnka.

⁹ <http://www.predsjebnistvobih.ba/zaklj/sjed/default.aspx?id=10163&langTag=bs-BA>

¹⁰ <http://www.predsjebnistvobih.ba/zaklj/sjed/default.aspx?id=10043&langTag=bs-BA>

- Rad Izborne komisije BiH – pripreme za izbore

Zadužuje se g-đa Lidija Korać, predsjednik Komisije, da dostavi radni materijal i bude uvodničar na sastanku koordinacije.

- Ekonomske reforme u BiH

Zadužuje se Ministarstvo vanjske trgovine i ekonomskih odnosa BiH i g. Vasilj Žarković da dostave radni materijal i bude uvodničar na sastanku koordinacije.

- PBS (Javni servis za emitovanje RTV programa BiH)

Zadužuje se g. Boris Kujundžić da dostavi radni materijal i bude uvodničar na sastanku koordinacije.

2. Predsjedništvo BiH je zadužilo g. Beriza Belkića, predsjedavajućeg, za koordinaciju oko pripreme za održavanje Koordinacijskog sastanka.

3. Zadužuje se Sekretarijat da dostavi predloženi termin održavanja sastanka i prijedlog dnevnog reda Vijeću ministara BiH, vladama entiteta, predsjednicima Federacije BiH i Republike Srpske i predsjednicima parlamenata Federacije BiH i Republike Srpske.”

o) Posjeta članova Predsjedništva BiH Banja Luci i Prijedoru 8.03.2002. godine:

“Nakon rasprave je zaključeno:

1. Predsjedništvo BiH će posjetiti Banja Luku i Prijedor 8.03.2002. godine.

2. Zadužuje se Protokol da organizuje susret sa rukovodstvom Republike Srpske, Akademijom Republike Srpske i čelnicima vjerskih zajednica sa sjedištem u Banja Luci.”

-127. sjednica Predsjedništva Bosne i Hercegovine, hitna, održana 28.2.2002. godine¹¹

-Tačka 3. Razno

c) Potpisivanje izjave o preliminarnoj kandidaturi BiH i Republike Hrvatske za evropsko fudbalsko prvenstvo koje će se održati u maju 2008. godine:

“Predsjedništvo BiH je ovlastilo g. Beriza Belkića, predsjedavajućeg Predsjedništva BiH, da u ime Predsjedništva BiH potpiše izjavu o preliminarnoj kandidaturi BiH i Republike Hrvatske za održavanje evropskog fudbalskog prvenstva koje će se održati 2008. godine.”

-130. sjednica Predsjedništva Bosne i Hercegovine, održana 19.3.2002. godine¹²

-Tačka 4. Pripreme za održavanje Koordinacijskog sastanka čelnika najviših državnih i entitetskih institucija:

¹¹ <http://www.predsjednistvobih.ba/zaklj/sjed/default.aspx?id=10044&langTag=bs-BA>

¹² <http://www.predsjednistvobih.ba/zaklj/sjed/default.aspx?id=10047&langTag=bs-BA>

“Nakon rasprave je zaključeno da se tokom održavanja Koordinacionog sastanka razmatraju i pitanja donošenja amandmana na ustave entiteta koja su u direktnoj vezi sa rješavanjem pitanja vezanih za Aneks VII, izbore, a da je donošenje Budžeta BiH za 2002. godinu preduslov i jedan od uslova kvalitetnog i uspješnog provođenja i nastavka realizacije ekonomskih reformi.”

-Tačka 14. Razno

f) Plan posjeta nekim područjima BiH:

“Nakon rasprave je zaključeno:

1. Predsjedništvo BiH će nastaviti praksu posjeta dijelovima BiH po uravnoteženom rasporedu uz prioritete:

- Posjeta Zapadno-hercegovačkom kantonu;
- Posjeta reonu Ozren-Panjak;
- Širi goraždanski region.

2. Zadužuje se Odjel za protokol Sekretarijata Predsjedništva BiH da pripremi odgovarajući plan posjeta.

Predsjedništvo BiH je, nakon 130. redovne sjednice, uputilo poruku liderima vodećih političkih stranaka u BiH.

Poruka je sastavni dio zapisnika.”

-132. sjednica Predsjedništva Bosne i Hercegovine, održana 5.4.2002. godine¹³

-Tačka 16. Nacrt akcionog plana ka ujedinjavanju institucija ombudsmena u Bosni i Hercegovini:

“Nakon rasprave je zaključeno:

1. Predsjedništvo BiH podržava Nacrt akcionog plana ka ujedinjavanju institucija ombudsmena u Bosni i Hercegovini.

2. Predsjedništvo BiH će preuzeti koordinirajuću ulogu u procesu ujedinjenja institucija ombudsmena u BiH i zadužuje pravne savjetnike članova Predsjedništva da, zajedno sa Frankom Ortonom, ombudsmenom BiH, pripreme detaljni plan aktivnosti za realizaciju akcionog plana.”

-138. sjednica Predsjedništva Bosne i Hercegovine, održana 27.5.2002. godine¹⁴

-Tačka 2. Pokretanje inicijative za dobijanje saglasnosti entitetskih vlasti o prenosu dijela ovlaštenja na institucije i strukture odbrane na državnom nivou:

¹³ <http://www.predsjeđnistvobih.ba/zaklj/sjed/default.aspx?id=10049&langTag=bs-BA>

¹⁴ <http://www.predsjeđnistvobih.ba/zaklj/sjed/default.aspx?id=10055&langTag=bs-BA>

“Nakon rasprave je zaključeno:

1. Predsjedništvo BiH pokreće inicijativu za dobivanje saglasnosti entitetskih vlasti o prenosu dijela ovlaštenja na institucije i strukturu odbrane na državnom nivou (član 3. tačka 5. Ustava BiH).

2. Predsjedništvo BiH traži mišljenje od entitetskih vlasti o uspostavi Počasne jedinice pod ingerencijom Predsjedništva BiH.

3. Predsjedništvo BiH će na sjednici SKVP¹⁵ koja će se održati početkom juna obaviti raspravu o ispunjavanju uslova za pristupanje «Partnerstvu za mir» u pogledu organizacije i rada institucije odbrane na državnom nivou.

4. Privremeno se obustavljaju putovanja i učešće na seminarima savjetnika za vojna pitanja članova Predsjedništva BiH, dok se ne riješi pitanje organizacije i rada institucije odbrane na državnom nivou.”

-144. sjednica Predsjedništva Bosne i Hercegovine, održana 10.7.2002. godine¹⁶

-Tačka 13. Tekst izjave o podršci procesima reforme visokog obrazovanja u BiH:

“Nakon rasprave je zaključeno:

1. Predsjedništvo BiH podržava tekst izjave o procesu reforme visokog obrazovanja u BiH, potpisane od strane rektora univerziteta u Bosni i Hercegovini.

2. Pozivaju se entitetske i kantonalne vlasti da, u saradnji sa OSCE, pristupe reformi visokog obrazovanja.”

-151. sjednica Predsjedništva Bosne i Hercegovine, održana 27.9.2002. godine¹⁷

-Tačka 2. Informacija o ukupnoj bezbjedonosnoj situaciji u BiH (Informacija MUP-a Federacije BiH, MUP-a Republike Srpske i CRA):

“Nakon rasprave je zaključeno:

1. Predsjedništvo BiH je primilo k znanju informacije Ministarstva unutrašnjih poslova Federacije BiH i Ministarstva unutrašnjih poslova Republike Srpske o ukupnoj bezbjedonosnoj situaciji u BiH.

Konstatuje se, pored pojedinačnih incidenata, povoljna bezbjedonosna situacija u BiH.

2. Traži se od vlada entiteta da hitno poduzmu mjere na poboljšanju materijalno-finansijskog položaja MUP-ova i uvođenju jedinstvenih standarda za ista.

3. Predsjedništvo BiH izražava zadovoljstvo saradnjom i radom MUP-ova oba entiteta, te podržava proces transformacije i potpune depolitizacije u istim.

¹⁵ Stalni komitet za vojna pitanja (stav 5 člana V Ustava)

¹⁶ <http://www.predsjebnistvobih.ba/zaklj/sjed/default.aspx?id=10061&langTag=bs-BA>

¹⁷ <http://www.predsjebnistvobih.ba/zaklj/sjed/default.aspx?id=10399&langTag=bs-BA>

Predsjedništvo BiH izražava zadovoljstvo radom ministarstava unutrašnjih poslova oba entiteta na obezbjeđenju predizbornih skupova i konstatuje da nisu registrovani incidenti ugrožavanja sigurnosti i bezbjednosti građana.

4. Prima se k znanju izvještaj CRA o izbornim aktivnostima za prvi mjesec predizborne kampanje od 5. avgusta do 5. septembra 2002. godine.

5. Pozivaju se sve političke stranke i kandidati da se u ovom predizbornom periodu uzdrže od rječnika nacionalizma, mržnje, netrpeljivosti kako bi se omogućilo građanima BiH da slobodno odluče o svojoj budućnosti.”

-56. redovna sjednica Predsjedništva Bosne i Hercegovine, održana 15.9.2004. godine

“Na 56. redovnoj sjednici Predsjedništva BiH, koja je održana 15. septembra 2004. godine u Sarajevu, doneseni su slijedeći zaključci:

Polazeći od Povelje Ujedinjenih nacija i Rezolucije Vijeća sigurnosti UN, kojima je povjeren mandat IPTF u Bosni i Hercegovini, zadataka i obveza Aneksa 11. Općeg okvirnoga sporazuma za mir u BiH i zaključaka s konferencija u Londonu, Bonu, Luxemburgu, Madridu i Briselu, Predsjedništvo ponovno ističe neophodnost poštivanja međunarodnih obaveza od strane institucija u Bosni i Hercegovini.

S tim u vezi, Predsjedništvo BiH zahtijeva od Vijeća ministara BiH, entitetskih, kantonalnih i Vlade Brčko Distrikta BiH da usklade zakone i druge propise o pitanjima koja reguliraju proces certifikacije policijskih službenika u BiH.”¹⁸

-2. redovna sjednica Predsjedništva Bosne i Hercegovine, održana 17.4.2019. godine

“Predsjedništvo BiH je zadužilo nadležne institucije u Bosni i Hercegovini da u skladu sa svojim ustavnim ovlaštenjima¹⁹ poduzmu sve potrebne aktivnosti u cilju dobijanja pozitivnog mišljenja Evropske komisije o zahtjevu BiH za članstvo u EU i stjecanja statusa kandidata za članstvo u EU.

Predsjedništvo BiH je zadužilo Vijeće ministara BiH da dostavi sveobuhvatan plan za djelovanje državnih i entitetskih²⁰ institucija u skladu s nadležnostima u cilju sprečavanja povećanog priliva migranata u BiH.”²¹

-56. vanredna sjednica Predsjedništva Bosne i Hercegovine, održana 16.3.2020. godine

“Predsjedništvo BiH je na 56. vanrednoj sjednici usvojilo slijedeći Zaključak:

¹⁸ <http://www.predsjebnistvobih.ba/zaklj/sjed/default.aspx?id=14694&langTag=bs-BA>

¹⁹ Tekst koji je označen podvučenim slovima označila je autorica ovog istraživanja.

²⁰ Tekst koji je označen podvučenim slovima označila je autorica istraživanja.

²¹ <http://www.predsjebnistvobih.ba/zaklj/sjed/default.aspx?id=84213&langTag=bs-BA>

1. Razmatrajući aktivnosti institucija u Bosni i Hercegovini u vezi sa pandemijom COVID-19, Predsjedništvo BiH ocjenjuje da institucije u Bosni i Hercegovini blagovremeno reaguju i preduzimaju niz mjera kojima se sprečava širenje epidemije. Predsjedništvo BiH podržava napore nadležnih institucija u vezi sa krizom.

2. Predsjedništvo BiH traži od svih institucija da nastave sa aktivnostima i da urgentno preduzimaju potrebne mjere, u skladu sa stepenom opasnosti.

3. Predsjedništvo BiH očekuje od Vijeća ministara BiH da proglasi stanje prirodne ili druge nesreće izazvane pandemijom korona virusa, u skladu sa Okvirnim zakonom o zaštiti i spašavanju ljudi i materijalnih dobara od prirodnih i drugih nesreća u Bosni i Hercegovini, te da se, u skladu sa ovim zakonom, popuni i aktivira Koordinaciono tijelo BiH za zaštitu i spašavanje.

4. Predsjedništvo BiH će biti u kontinuiranom kontaktu, te smatra da i druge institucije moraju ostati u kontinuiranoj komunikaciji, kako bi osigurale blagovremeno donošenje odluka i reagovanje na krizu.

5. Predsjedništvo BiH smatra da je donesena odluka Vijeća ministara BiH o ulasku stranih državljana iz zemalja zahvaćenih pandemijom adekvatna i da je treba na dnevnom nivou analizirati i, u skladu sa potrebom i preporukama nadležnih zdravstvenih institucija, dopunjavati.

6. Predsjedništvo BiH podržava inicijativu za uvođenje karantina na graničnim prijelazima, uz spremnost da odobri vojnu opremu na osnovu zahtjeva nadležnih zdravstvenih institucija.

7. Promet robe treba regulisati olakšanim režimom, uz pridržavanje sanitarnih standarda za borbu protiv COVID-19.

8. Predsjedništvo BiH traži od Vijeća ministara BiH da se broj graničnih prijelaza svede na minimalan broj neophodan za povratak državljana BiH i nesmetan promet robe, a sve u dogovoru sa susjednim zemljama.

9. Predsjedništvo BiH naređuje Oružanim snagama BiH da stave na raspolaganje sve svoje resurse za potrebe zaštite od pandemije. Upotreba resursa OSBiH će se definisati posebnim odlukama Predsjedništva BiH, a na zahtjev nadležnih institucija.

10. Predsjedništvo BiH traži od svih građana i pravnih lica da se strogo pridržavaju uputa nadležnih institucija o ponašanju u ovoj situaciji.

11. Predsjedništvo BiH traži od Vijeća ministara BiH, entitetskih vlada, kantonalnih vlada, Vlade Brčko Distrikta i lokalnih zajednica da hitno preduzmu mjere iz vlastite nadležnosti, kako bi se ublažile posljedice krize na poslovanje privrednih subjekata u BiH i zaposlenih u tim subjektima.²²

12. Predsjedništvo BiH zahtijeva od Vijeća ministara BiH da intenzivira komunikaciju sa svim međunarodnim organizacijama i institucijama koje mogu pružiti pomoć BiH u ovoj situaciji.

²² Tekst koji je označen podvučenim slovima označila je autorica istraživanja.

13. Predsjedništvo BiH i druge nadležne institucije će razmotriti mogućnost upotrebe rezervnih sredstava Centralne banke BiH u svrhu amortizovanja efekata ove krize.

14. Predsjedništvo BiH od nadležnih nivoa vlasti očekuje da, u skladu sa svojom nadležnošću, donose odluke o radu javnih službi, te kretanju i okupljanju ljudi.

15. Predsjedništvo BiH poziva državljane BiH, koji borave u inostranstvu da odgode svoje dolaske i posjete BiH u periodu intenzivnih mjera na suzbijanju širenja COVID-19.

16. Predsjedništvo BiH poziva Vijeće ministara BiH da pripremi prijedlog Zakona o izmjenama Zakona o javnim nabavkama i uputi u hitnu parlamentarnu proceduru, kako bi se otklonile prepreke za hitnu nabavku opreme i drugih stvari potrebnih za suzbijanje širenja COVID-19.

17. Predsjedništvo BiH traži od Vijeća ministara BiH da, na osnovu iskazanih potreba entitetskih, kantonalnih i Vlade Brčko Distrikta, sačini listu urgentnih potreba za sredstvima neophodnim za borbu protiv COVID-19.

18. Predsjedništvo BiH zadužuje sve nadležne institucije da na sedmičnom nivou dostavljaju informaciju o realizaciji zaključaka i definisanih operativnih mjera.”²³

-11. redovna sjednica Predsjedništva Bosne i Hercegovine, održana 28.4.2020. godine

“Predsjedništvo BiH je usvojilo Informaciju Vijeća ministara BiH o realizaciji Zaključka Predsjedništva BiH broj: 01-50-1-1181-4/20 sa 10. redovne sjednice Predsjedništva BiH održane 6. aprila 2020. godine i definisanih mjera za zaustavljanje širenja COVID-a 19.

Imajući u vidu različitu praksu u realizaciji tačke 4. navedenog Zaključka, Predsjedništvo BiH traži od Vijeća ministara BiH da u koordiniranom pristupu u saradnji sa entitetskim vlastima i vlastima Brčko Distrikta razmotri realizaciju ove tačke kako bi se poduzele koordinirane mjere na području cijele Bosne i Hercegovine u borbi protiv COVID-a 19.

Predsjedništvo BiH zahtjeva od Vijeća ministara BiH, da se u koordiniranom pristupu u saradnji sa entitetskim vladama i Vladom Brčko Distrikta razmatraju buduće mjere koje se poduzimaju u BiH na zaštiti od COVID-a 19.²⁴

Predsjedništvo BiH zahvaljuje građanima Bosne i Hercegovine koji su strpljivo podnosili izrečene mjere i moli ih da nastave da prate mjere koje se poduzimaju radi zaštite zdravlja ljudi.

Predsjedništvo BiH usvojilo Izvještaj Ministarstva odbrane BiH o angažovanju Oružanih snaga BiH za potrebe pružanja pomoći civilnim organima u prevenciji i sprečavanju COVID-a 19.”²⁵

²³ <http://www.predsjebnistvobih.ba/zaklj/sjed/default.aspx?id=87855&langTag=bs-BA>

²⁴ Tekst koji je označen podvučenim slovima označila je autorica istraživanja.

²⁵ <http://www.predsjebnistvobih.ba/zaklj/sjed/default.aspx?id=88162&langTag=bs-BA>

-16. redovna sjednica Predsjedništva Bosne i Hercegovine, održana 17.9.2020. godine

“Predsjedništvo Bosne i Hercegovine je usvojilo Izvještaj Vijeća ministara BiH u vezi sa borbom protiv pandemije COVID-19.

Predsjedništvo BiH zadužuje Vijeća ministara BiH da intenzivira aktivnosti na osiguranju koordinacije epidemioloških mjera na teritoriji cijele države²⁶ i dinamizira komunikaciju sa svim međunarodnim organizacijama i institucijama koje mogu pružiti pomoć u BiH u vezi sa suzbijanjem širenja pandemije COVID 19.”²⁷

-18. redovna sjednica Predsjedništva Bosne i Hercegovine, održana 19.11.2020. godine

“Predsjedništvo BiH primilo je k znanju Informaciju Ministarstva sigurnosti BiH u oblasti migracija u Bosni i Hercegovini, zaključno sa današnjim danom. Predsjedništvo BiH konstatuje da je Ministarstvo sigurnosti BiH u posljednje vrijeme učinilo značajne napore na smanjenju broja migranata, što se ogleda i u konkretnim brojevima. Predsjedništvo BiH zahtijeva od svih policijskih agencija u Bosni i Hercegovini²⁸ da u potpunosti i dosljedno primjenjuju zakone o zaštiti javnog reda i mira i imovinske sigurnosti građana BiH.”²⁹

²⁶ Tekst koji je označen podvučenim slovima označila je autorica istraživanja.

²⁷ <http://www.predsjudnistvobih.ba/zaklj/sjed/default.aspx?id=88831&langTag=bs-BA>

²⁸ Tekst koji je označen podvučenim slovima označila je autorica istraživanja.

²⁹ <http://www.predsjudnistvobih.ba/zaklj/sjed/default.aspx?id=89368&langTag=bs-BA>